

INUIT ATAQATIGIIT

Inatsisartuni



14. juni 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Siorapalummi nuna annertoq sisoornikummat Naalakkersuisut qanoq suliniarpat illut aqqusineeqqallu aserfallassimasut pillugit?**
- 2. Siorapalummi nuna sisoornikoq pillugu suliaqartoqarpat qaqugu suliassa qallartinneqassava? Suliniut qaqugu naammassillugulu saqqummiunnissaa naatsorsuutigineqarpa?**
- 3. Siorapalummi pisumi akisussaasut kikkuppat? Kommune immaqaluunniit Namminersorlutik oqartussat?**
- 4. Siorapalummi pisoq imak annertutigisimappat Namminersorlutik Oqartussanut kiap suliakkiutigisinnaavaa?**

(Inatsisartuni ilaasortaq Mikivisuk Thomassen, Inuit Ataqatigiit)

Tunngavilersuut:

Siorapalummi siallerujussuarnerani annertuumik nuna sisoornikuuvoq kuussuullu qaaneratigut nunaqarfik aqqusaalutorinikuullugu annertuumik aqqissugassanngorlugu.

Qaqqaasoq appaliarsoqarfittalik nunaqarfimmut annertuumik eqquisuulluni, illut ilaat angullugit nuna sisoornikuulluni, kuussuarnertalimmik nunaminertallu ilai aseruaterujussuarnikuullutik, aqqusineeqqallu ilaat atorneqarsinnaajunnaarnikuullutik, nunaqarfiullu nunataata ilarujussua aqqissugassanngorluni.

Siorapaluk nunaqarfiuvoq biilnik angallateqanngitsoq umiarsuarlu aatsaat pajulluni tikikkaangat biilersuit atorneqarsinnaasarlutik. Taamaammatt paaserusuppara upalungaarsimanikkut aqqissuueqqinnissamut akisussaaffik sumiinnersoq, pisorlu imak annertutigisimanersooq Namminersorlutik Oqartussaniit iliuuseqarfigineqartariaqarluni. Kiisalu iluarsaasseqqinnerit qanoq qaqugulu pissanersut maanna Naalakkersuisunut apeqqutigaara.

Apeqqutit ullut suliffiusut qulit qaangiutsinnagit akineqarsimanissaat kissaatigaara.